



MAS-CHALCH

Infuormaziun a regard il Mas-chalch da Sent

- Cumpara tanter ils 20 e 25 da mincha mais.
- Ils texts ston gnir tramiss o dats giò fin ils 15 dal mais a Mina Mader madertrans@bluewin.ch
- Il mas-chalch dess gnir pichà oura e distribui in lös publics. El po gnir retrat in seguaints lös: büro da turissem, butia da Plaz, furnaria Benderer, bacharia Hatecke, furnaria Clalüna, Grotta da Cultura e butia Schlerin Cafè creativ.
- Ils texts ston esser scrits in rumantsch (ev. rumantsch e tudais-ch) e nu das-chan esser massa lungs.
- Per societats sun las publicaziuns gratuitas, per privats cuosta frs. 20.-.
- Ils texts pel mas-chalch vegnan ramassats da Mina Mader. Scha pussibel giavüschaina texts in fuorma digitala.

ARRANDSCHAMAINTS

Societats chi vöglan publicar arrandschamaints han seguaintas pussibilitats:

- a) Mas-chalch da Sent : tenor infuormaziuns sülla prüma pagina
- b) Pagina dad internet www.sent-online.ch: annunzchas per mail a Cla Rauch, cla.rauch@bluewin.ch
- c) Chalender d'arrandschamaints da la destinaziun turistica:
www.engadin.com => "Allegra das Veranstaltungsmagazin" => Veranstaltungen erfassen opür
<https://www.engadin.com/de/planen-buchen/allegra-veranstaltungsmagazin>

Quellas occurrenzas vegnan publichadas eir ill'Allegra, schi sun annunzchadas avant il termin da la fin da redacziun da l'Allegra.

AVIS - Adöver chaistas nairas

Il cumün da Scuol nun ha plü adöver pellas chaistas nairas. Societats chi lessan publicar lur occurrenzas ed infuormaziuns illas chaistas nairas pon manar avis in fuormat A4 pro Mina Mader adüna il marcurdi. Ils avis vegnan plazzats adüna la gövgia illas chaistas nairas.

SOCIETÀ D'ÜTIL PUBLIC – concerts illa baselgia da Sent - <https://sent-concerts.ch/konzerte>
Ingüna reservaziun da plazzas - la chascha es averta ün'ura avant il concert.

Beethoven - Sonatas e daplü

Venderdi sonch, als 3 avrigl 2026 a las 17:00, CHF 25

Jan-Filip Ľupa – violoncel, Coco Schwarz – instrumaints a claviatura ed electronica

Las cumposiziuns bellas e profuondas d'adagio, da las sonatas da cello da Beethoven, fuorman il punct da partenza per expediziuns da cling, chi'ns mainan cun cello, clavazin ed electronica, per part cumponü "live", i'l preschaint.

«Innsbruck retour» per 25 francs!

Davo il grond success a Sent in 2023 suna inavo: **klingszeug Innsbruck «Nutzlose Pracht»**

Dumengia, als 12 avrigl 2026 a las 17:00, CHF 25

klingszeug: Lisa Weiss – sopran, Claudia Delago-Norz und Lukas Praxmarer – violinas, Anna Müller – violoncel, Domenico Cerasani – teorba, Flora Fabri – cembalo

Ouvras d'Antonio Caldara (1670–1736): Trisonata da l'opus 1 e 2, cantatas da chombra ed arias, tanter oter l'aria captivanta da Maria Magdalena cul nom, «Pompe inutili – Nutzlose Pracht».

GROTTA DA CULTURA – infuormaziuns detagliadas i'l Allegra e suot <http://www.grottadacultura.ch>

Galleria e bar-café / Galerie und Bar-Café
mardi e sonda / Dienstag und Samstag
Nus ans allegrain da Lur visita!

17:00 -19:00

Exposiziun: in viadi

Sculpturas e pitturas dad Antoinette Simmen: Dialog tanter dürabilità e müdamaint.

Sonda e mardi 17.00 – 19.00 Grotta da cultura Schigliana, entrada libra.

Sco anteriura restoratura per graficas originalas as interessa **Antoinette Simmen** per la lavur artischana e per la colliaziun da material, tecnica e fuorma. Hozindi lavura ella culla tecnica scagliola (Stuckmarmor) e cun terracotta. Ella chatta sia ispiraziun tant illa natüra sco eir in spazis urbans.

Ingio vivain no – co ans muantain no tras il spazi cha no partin?

"Quistas dumondas m'accumpognan fingià daspö lönch. La chasa, sco simbol da patria, protcziun e appartnentscha, famiglia e ragischs fuorman ün punct da partenza fix.

A l'istess mumaint cumpara adüna darcheu il motiv da la nùvla - ün simbol per movimaint e passagerità.

Eir i'l muond digital discurrina da „clouds“.

Uschè nascha in mias sculpturas e pitturas ün dialog tanter dürabilità e müdamaint, esser da chasa ed esser in gir - tanter quai chi resta e quai chi passa."

Vernissascha: Vettas

Purtrets, collaschas ed ogets da Tina Planta-Vital.

Sonda als 18 avrigl 2026, 17.00 – 19.00 Grotta da cultura Schigliana.

Tina Planta-Vital, artista autodidacta, es uriunda da Sent e viva a Fuldera in Val Müstair.

Sias lavuors sun multifarias. Quai as muossa impustüt illas collaschas. Pelplü sun integrats differents materials: palperis, chartun, lain, metal o stoffa. Robas da tuot gener, chattadas illa natüra o in seis contuorns. Eir ils ogets- pitschens o eir plü gronds- sun fats our da tals materials.

Da prümavaira 2025 es gnü edi seis 4. cudesch da poesias chi's po leger in tuot las quatter linguas naziunalas. Ill' exposiziun as chatta eir purtrets chi vegnan accumpagnats da sias poesias.

Als 31 mai 11.00 prelea ella poesias our da quist cudesch.

Tina Planta-Vital tschercha adüna darcheu novas fuormas per render visibel la varietà dal minchadi e quai cun culuors, texturas, fuormas, materials - e poesias.

PER NOSSAS SENIORAS E NOSS SENIORS



Sent refuormà

**PRO
SENECTUTE**

PLÜ FERMS INSEMBEL

Società da duonnas

Giantar cumünaivel per noss seniors da Sent

Mardi, 21 avrigl 2026 a las 11.30 giò l'hotel Bellaival a Scuol

No partin culla posta a las 11.12 davent da Plaz

Menü:

- Schoppa dal di
- Rost da bov cun mösa da mailinterra e giabus blau
- Pitschen Coupe Danemark

Fr. 30.- implü bavrondas. Il caffè vain offri

Id invidan la Corporaziun evangelica, la Pro Senectute e la Società da duonnas

Annunzchas fin ils 17 avrigl: a Seraina Riatsch 079 672 07 73 o a Chatrina Ritzmann, 081 864 93 59

CORPORAZIUN EVANGELICA SENT**Cults divins**

VENDERDI SONCH, 3 AVRIGL

Cult divin

10.00, tudais-ch/rumantsch, rav. Hans-Peter Mathes, Orgel: Urs Wittwer

DUMENGIA DA PASQUA, 5 AVRIGL

Cult divin cun Soncha Tschaina

10.00, tudais-ch/rumantsch, rav. Hans-Peter Mathes, Orgel: Urs Wittwer

DUMENGIA, 19 AVRIGL

Cult divin

09.30, tudais-ch, rav. Peter Schwab, Orgel: Aita Biert

DUMENGIA, 26 AVRIGL

Eucharistiefeier, röm.-kath.

19.00, deutsch/rumantsch, Pfr. Chr. Willa, Orgel: Peder Vital

Divers**Peter Schwab, nouv ravarenda-provisur a Sent**

Il prüm da lügl surpiglia rav. Peter Schwab la pravenda da Sent. Davo passa 20 ons illa pravenda da Trachselwald/Emmental fa el müdada in Engiadina. Sar Peter as preschainta a sia nouva raspada in dumengia als 19 avrigl. El salva il cult divin e sarà eir preschaint a la radunanza da rendaquint. Tant nos ravarenda ventur sco eir no ans allegrain da lavurar insembel suot üna bun'insaina.



DUMENGIA, 19 AVRIGL davó il cult divin in baselgia

Radunanza da rendaquint

1. Salüd
2. Tscherna dombravuschs
3. Protocol radunanza da preventiv dals 2 november 2025
4. Infuormaziun e rapport dal cussagl da baselgia
5. Rapport dal ravarenda
6. Rapport da las uras da religiun e progets
7. Rendaquint 2025 e rapport da las revisuras
8. Tschernas cussagl
9. Peter Schwab, nos ravarenda ventur, ha il pled
10. Orientaziuns e varia

Adressa: Corporaziun evangelica Sent

rav. Hans-Peter Mathes, Avant Baselgia 80, 7554 Sent, telefon 079 583 79 56, hpmathes@bluewin.ch

Barbla Buchli, Avant Baselgia 75, 7554 Sent, telefon 081 864 02 78, barbla.buchli@bluewin.ch, sent-reformiert.ch

Società da musica Sent**Concert da Pasqua – 5 avrigl 2026**

La società da musica Sent invida cordialmaing al concert annual chi la lö dumengia da Pasqua, ils 05-04-2026, a las 20:30 in chasa da scoula.
Davo il concert daja ustaria per star amo ün pa da cumpagnia.

**Concerts dal cor da duonnas a Scuol**

Il cor da duonnas cun 75 duonnas da la regiun Engiadina Bassa chanta duos concerts illa baselgia refuormada a Scuol. Quist on es il tema dals concerts "Duonnas", preschantà vegnan chanzuns be da cumponistas. Ün program fich varià cun tocs da differentas epocas, differentes stils e differentas linguas.

Venderdi, 24 avrigl, 20:00

Sonda, 25 avrigl, 17:00

Entrada libra – collecta

Il cor da duonnas s'allegra sün üna gronda cumparsa!

Da vender - Zu verkaufen

Sent / Flüs 618

Chasa cun terrain, parcella 10477 / 1089 m2, Chasa al Sulai.

5 Zimmer / Küche und Wohnzimmer / Bad mit WC / Estrich, Keller und Garage.

Preis nach Anfrage.

Telefon Natel: J. Gartmann 079 312 11 46, S.Gartmann 079 734 77 81